



客家語散文學生組 評審感言

羅秀玲

這擺參加客語散文學生組个作品篇數無異多，正八篇定定，比起教師組、社會組來講少當多。從參賽作品个主題內容來看，有記敘抒情、有懷舊感念，也有自然田野个描寫，作者透過情感書寫作品，從自家生活出發，一個生動、感動个故事正做得表現出來。

評審小組選出優秀个三篇文章，分別係：

第一名个作品《傳承》，用一枝擔竿連起人生个大細事，為著子女屋下打拚个辛苦歷程。文句流暢，用字造句也有厥精確个技巧。

第二名个《崁下个溝》描寫莊頭个溝經過地動个發生，又過再多了一隻源頭，成為大家洗衫、打嘴鼓个位所。又講到老伙房同水龍个古，作者用熟絡个大埔腔寫出東勢山城个故事，值得阿謔。

第三名《心藥醫心肝》，作者講出從細到大自然堵著个族群問題，到最尾，有了族群个理解、認同摻融合，十分感心。

分學生組投稿个朋友一隻建議，這擺也發現蓋多，愛客語造字个字，在參賽者文章裡肚無出現，這就盡打爽了，顛到變成一個失分个理由！下二擺投稿愛檢查一到，確認無問題再印出、寄出來參加比賽。

散文个寫作，最重要个係愛仰仔感動人，做得寫著感動人个散文，你，準備好言？下二擺，得獎个就係你哦！